



数据加载失败，请稍后重试！



数据加载失败，请稍后重试！

# 中國地方志集成

江蘇府縣志輯 ⑨

同治蘇州府志  
(三)

江蘇古籍出版社 ● 上海書店 ● 巴蜀書社

圖書在版編目(CIP)數據

中國地方志集成·江蘇府縣志輯/鳳凰出版社編選.  
南京:鳳凰出版社,2008.4(2011.6重印)  
ISBN 978-7-80729-169-5


I. 中… II. 鳳… III. ①中國—地方志②江蘇省—地方志 IV. K29

中國版本圖書館 CIP 數據核字(2008)第 019338 號

中國地方志集成·江蘇府縣志輯

- 
- |      |             |
|------|-------------|
| 編 選  | 鳳凰出版社       |
| 責任編輯 | 薛 飛 卞惠興 王華寶 |
| 封面設計 | 范一辛         |
- 
- |      |   |
|------|---|
| 出版發行 | 鳳凰出版傳媒集團<br>鳳凰出版社(原江蘇古籍出版社)<br>南京市中央路 165 號 郵編 210009<br>發行部電話 025—83223462 |
| 集團網址 | 鳳凰出版傳媒網 <a href="http://www.ppm.cn">http://www.ppm.cn</a>                   |
- 
- |      |  |
|------|--|
| 印 刷  | 上海世紀嘉晉數字信息技術有限公司<br>上海市匯金路 899 號 郵編 201700 |
| 開 本  | 787×1092 1/16                              |
| 印 張  | 3073.75                                    |
| 版 次  | 2008 年 4 月第 1 版 2011 年 6 月第 2 次印刷          |
| 標準書號 | ISBN 978-7-80729-169-5                     |
| 定 價  | 36000.00 圓(全六十八冊)                          |
- 

(本書凡印裝錯誤可向承印廠調換,電話:021—69214197)



同治蘇州府志(三)



(清) 李銘皖  
(清) 譚鈞培  
馮桂芬 纂  
修

蘇州府志卷第七十二

名宦五 歷代縣令僚屬

常熟縣 附昭文

晉

許儒

唐

郭思謨

李嘆

宋

蔣文樸

蘇州府志

卷七十二

名宦五目錄

晁宗恪

郭三益

曾慎

劉穎

趙善普

葉凱

惠疇

王煥

鮑廉

元

姚鎬

王英

王德剛

盧鎮

陳聚

張成德

火失哈兒

盧克治

孔文貞

王世昌

劉拯

魯詹

鄭穆

曹榮

孫應時

趙崇志

孫沂

戴衍

王文雍

姚鎬

王英

王德剛

盧鎮

陳聚

張成德

火失哈兒

盧克治

孔文貞

王世昌

劉拯

魯詹

鄭穆

曹榮

孫應時

趙崇志

孫沂

戴衍

王文雍

趙某

高瑞

林暄

廖璉

唐禮

鄧琪

王綸

秦禮

胡巍

劉乾亨

王繼禮

胡鳳

沈宏彝

鄧垣

馮汝弼

王鈇 黃嘉賓

張集義 段然

趙國琦 譚昌言

耿橘 楊漣

楊鼎熙 王鐵

國朝 趙育溥

湯家相 林象祖

于宗堯 揚振藻

高登先 陳守創

章曾印 李惟一

勞必達 李世傑

張嘉論 張暑

陳奠縵 黃德屏

敬華南

李琮

吳江縣附震澤

宋 張先

馬尋 王庭堅

李問 林肇

孫覺

程俱 程端

徐勛 向子韶

石公轍 李衡

趙公廣 莫若冲

張達明 袁韶

呂祖憲 孫千秀

元 王柔 哈刺哈孫

皇甫璧 高仁

張顯祖 段廷珍

蘇州府志 名宦五目錄 四

卷七十二 那海高昌氏

明 孔克中 廖欽

蔣奎 陳耘

陳敏 邢寬

李昇 賈忠

王懋本 劉彪

韓榮 陳堯弼

金洪 王鑑

郭郭 劉澤

郭郭

張玄

徐欽

張明道

喻時

王國光

楊芷

李遷梧

吳一本

王一言

徐元

祝似華

劉時俊

馮任

晏清

金廷訓

熊開元

章日烱

葉翼雲

林帽

蘇州府志

卷七十二

名宦五目錄

五

國朝

孔允祖

雷珽

趙子三

劉定國

霍勳

郭琇

趙軒臨

鄧圭

陳和志

丁元正

鄒玉章

沈名揆

蘇正蒙

黃璵

鍾清源

毛應觀

蘇州府志卷七十二

名宦五 歷代縣令僚屬

常熟縣 附昭文

晉

許儒字思行高陽人祖助吳御史中丞父延河間相儒幼而立

行清素忠烈有曾閔之性丁母憂在殯遇賊放火儒抱樞悲

號賊為救火保護之所居一里賴全起復為郡功曹元帝宅

江左澄洗九流妙於選舉為司徒參軍出為南沙都尉咸和

五年夏五月石勒將劉徽寇南沙儒遇害明年二月追贈高

涼太守諡貞侯 同治常昭志稿引建康實錄舊志有晉江康之末何子平覽照陳岑之敬傳皆以無政

蘇州府志 卷七十二

唐

郭思謨太原平陽人以孝子徵拜安平縣丞內憂服闋轉江陰

丞又應廉讓舉擢武功尉秩滿遷常熟令凡佐三邑宰一縣

所居必化所在必理開元九年正月卒於官 唐吳郡進士孫翌撰墓誌銘

乾隆志曰此人諸志皆不載近有常熟人吳徵譽家藏此碑

文凡八百餘字述其孝行甚詳天后命史臣褒贊特加旌表

而史傳不載諸志亦無其名知古來闕畧者多矣因據其文

增入焉 劉太真字仲適金陵人唐書作宣州人弱冠以行義修潔詞藻瑰異為

蕭穎士所知廣德中以薦授左衛兵曹李栖筠在浙西表為

常熟令到官末期一邑自化歷官禮部侍郎信州刺史 盧志傳



志此上有張旭傳下有蕭存頌傳今刪

李曠元和中為常熟令劉允文記新開常熟塘碑以頌其績蘇志

周思輯汝南人咸通間為常熟令歲旱禱於破山龍祠得雨邑人霑感皮日休記其事後為給事中姑蘇志

宋

蔣文懌以朝奉郎試大理司直行常熟令事兼監察御史太平

興國三年錢氏納土後首任七年去任餘杭陸詔之作頂山

龍祠記載其政事姑蘇志

王世昌字次仲許州人端拱初進士知鹽官縣改常熟轉運使

蘇州府志

卷七十二

名宦五

二

張式以治狀奏充秀州判官終都官郎中盧志

晁宗恪字世恭以世父迴恩補將作監簿知常熟縣修學校理

溝防人賴其利姑蘇志

劉拯字彥修宣州南陵人進士及第知常熟縣有善政縣人稱

之元豐中為監察御史盧志

郭三益字慎求海鹽人家義興元祐三年進士才高有器識大

臣屢薦之為常熟丞常平使者調蘇湖常秀之人濬青龍江

分地程役三益所部前期告辦使者留之俾助他邑之不如

期者三益即引所部歸使者怒檄追甚急三益以為戚其母

周曰青龍之役逆數郡其分地程役賦廩食皆已上聞今我

先畢何名復役之使者倘再思行悔矣雖然汝不可無往第

無以所部從可也三益如教已而使檄止丞勿來事遂已盧志

舊志此下有李光俞彥嶼傳李併入郡守俞刪

魯詹字巨山海鹽人崇寧五年進士由揚州天長尉移常熟丞

攝令事民愛吏戢旋以親老乞歸官至度支員外郎同治常昭志稿

引昆陵集

曾慎紹興中宰常熟立縣令題名碑王伯廣作宣風樓記稱其

知足以知勇足以行御吏若西門之治鄰愛民如子產之治

鄭姑蘇志

鄭穆字應和長汀人家無錫由定遠令改常熟丞攝縣事有潰

蘇州府志

卷七十二

名宦五

三

兵絕江由福山闖關邑人大恐穆單車撫諭遂皆革心有久

訟得直袖白金數斤為謝穆正色卻之終朝散郎徽州通判

盧志

劉穎字公實衢州西安人紹興二十七年進士淳熙元年知常

熟縣有善政以治水利有勞特轉一官終寶謨閣學士贈光

祿大夫琴川志

曾榮宣教郎淳熙中知常熟縣事修儒學重建跨塘橋康熙志

趙善魯字從之初調常熟尉侍郎劉穎參政張伯孝俱見器重

終朝請郎知臨江軍其居官於利民之政則勇為之兩邑一

郡皆有陰德盧志

孫應時字季和餘姚人早從學於陸九淵登進士第為黃巖尉

有惠愛常平使者朱熹重之邱崇帥蜀辟入制幕改常熟縣

既秩滿郡將以私憾摭摭倉粟累政流欠三千斛見問士民

感德至相率擔負詣郡願代償不報竟坐貶秩為訶謝邑人

云牛車擔負愧高義豈知薄命非兒寬至今人思之志

葉凱開禧三年知常熟嘉定二年以平反冤獄得旨轉通直郎

在任修儒學修社壇刊琴川志琴川志

趙崇志字安伯嘉定八年八月知常熟縣十一年九月滿替作

龍湫亭宗人朝散大夫趙時侃記其略曰操心誠律已廉為

政無愧於幽顯云鄧毅常熱志

蘇州府志

卷七十二

名宦五

四

惠疇字敘之江陰人知常熟縣劬農勸學擢良摘姦政以大成

曾丞相榜其閭曰景言以旌之志

孫沂字彥溫丹徒人擢進士為常熟丞時長官有挾不屑民事

凡所以下息田里之爭上應臺府之令惟沂是賴民有歲久

不決之訟皆請於臺府願以屬沂旁縣亦然臺府既以為常

沂亦不復計彼此部使者再委攝府學教授謝不就以疾丐

歸志

王煥字仲潛一字伯晦紹興新昌人嘉定十三年進士端平元

年知常熟縣重建縣學教育言氏子孫正經界立役法修社

壇創義阡嘉熙元年以職事修舉轉一官除提轄左藏庫隆乾

志

戴衍字崇禮兗州人嘉定丁丑進士嘉熙元年十月以奉議郎

來知縣事葺學宮廣蠶舍說二戴禮于講堂聽者恨得之晚

邑城卑濠淺因舊修濬屹然金湯開河築隄水早有備邑人

朱子器應募為兵衍奇之勉以學卒為儒者高士鍾璇王澹

人無識者衍言於范大成薦之朝所拔士印應飛徐曾三趙

時貴張士元揚麟伯皆為名公卿在任三年遷提轄左藏庫

尋以薦為屯田員外郎奉詔視師江淮至高郵遇元兵前鋒

以槩刺衍衍脫朝冠擊之張目大罵遂遇害閱四十年衍子

綬來為王太常萬增奉衍骸骨葬於虞曾傳常熟志載元和縣孔文貞墓侯肅祀

蘇州府志

卷七十二

名宦五

五

二戴祠碑

鮑廉龍泉人淳祐中以宣教郎知常熟病邑志闕略聘邑士鍾

秀實胡淳輩增訂所未備即今重修琴川志也寶祐初辟差

充沿江制置使後知靜江軍德祐元年元兵入死之贈直華

文閣官其一子同治常昭志稿據續宋通鑑琴川志序合纂

王文雍寶祐中知常熟重修城圍及譙樓置刻漏創兩務官廳

濬市河福山塘築新隄葺亭贊衢飭整版籍姑蘇志

元

孔文貞字從善東平人至元丁亥尹常熟歲大潦漂沒田廬餓

芋流離文貞發廩拯溺全活甚眾明年躬督民疏港浦棧積

水注之江秋乃大獲巨賦數千石為勢家所匿吏不敢問文  
貞嚴實其數勢家感其至誠遂盡輸納政在安民不邀浮譽  
權勢貨利俱弗顧吏民咸畏愛之姑蘇志

姚鎬字周卿邯鄲人元貞間任常熟主簿督視許浦永豐倉潔

已繩下梳櫛蠶蓋庾積殷實丁亥夏雨水漲富室閉糴粟價

翔踴鎬出郊勸分爭相割助督浚運河經度盡瘁按訟平當

馭吏嚴而有度不聽讒愬不畏強禦姑蘇志

盧克治字仲敬濮陽人大德間知常熟州沈毅宏遠復多仁恕

獄無冤濫好施勸分教育言氏子孫嚴實學田築社稷壇拓

公宇增修邑志民為立生祠今列祀學宮名宦祠姑蘇志

蘇州府志

卷七十二

名宦五

六

王英字世傑燕山人先任大同路推官皇慶初知常熟州事政

教修明訊獄詳允至於獄空姑蘇志

火失哈兒欽察氏由宿衛入官至治二年為常熟州達魯花赤

凡州事悉倚辦於里正民有訴不勝役者數十戶乃曰里正

雖卑而責任易稱其力而均任之田不過一頃者皆釋不事

諸役皆倣此吏不得夤緣規利未幾朝廷聞浙右田有賦存

而無徵者里正歲代償至破產議勸富民助田以紓之擇火

失哈兒視事乃得民一百五十餘戶田一千一百三頃歲入

米六萬四千石又奉省檄勸富民平糶廉知田已鬻而抑派

者居四之三凡為米四萬九千石有奇茫無可徵廷辨力爭

卒得蠲釋轉徙就食者日來歸募民墾荒田八千餘頃歲增

賦三千餘石開淞江浚練湖修大成樂令學官課講焉奉定

丙寅滿去民請湯彌昌記其遺愛姑蘇志  
蘇志此下有  
段天祐進  
惟志傳今刪

王德剛失其名豫章人至元九年由烏程縣升江西檢校官秩

滿選為常熟州勤於王事浚浦港築隄圩均徭役廣蓄儲一

切與利除弊以實行之在任五載政平訟理民懷其德以老

請去民立石以志去思楊維楨為撰德政碑同治常昭志稿  
引鐵崖漫稿

張成德字彥卿東平人至正間知常熟州政目紛復獨以重鎮

浮民習用新征徭勸課有法數致老成詢察疾苦暇則命酒

賦詠士庶愛頌之姑蘇志

蘇州府志

卷七十二

名宦五

七

盧鎮淮南人至正間以領兵副元帥兼常熟知州雖起武弁而

崇奉儒術延邑士修琴川志時兵民雜居戢而不肆鎮之力

也姑蘇志

陳聚字敬德天台人至正中為常熟教授修禮樂嚴祭祀招徠

諸生使復其業攝州事首理豪民侵田又捐荒田之租勸民

耕士民悅服秩滿去後擢儒學提舉封臨海縣子同治常  
昭志稿

明

呂熙字敬夫湖州人吳元年由丹徒令升任常熟州時邑初內

附蘇州猶未下轉饑日不暇給熙處之有方民不知勞學宮

殘破朔望躬率諸生講習且勸諸生之好義者修葺之政化

方新擢京畿道漕運副使其去也邑人張著有送行序其修

建學宮則會稽楊維禎為之記同治常

趙都督副使佚其名元至正丁酉吳王師徇常熟降之命都督

來鎮守時蕭三負固鄰境焚掠為邑患都督遣偏師破其巢

穴斬首惡三人事定出令主客軍民不得雜處嚴火禁居五

月利病以次興革調赴南征士大夫贈詩頌美訓導張著為

之序同治常昭志

李彰知常熟縣性寬厚有大略洪武二年春邑人朱蝦蟆劫官

庫作亂居民升屋以瓦擲之賊斃守兵踰城飛報蘇州太倉

二衛翌日兵至城下彰出迓之從容謂其將曰民為盜民捕

蘇州府志

卷七十二

名宦五

八

之己盡眾來何為吾已聞於朝矣出牛酒勞軍請駐以待報

詔遣王御史來視彰與耆民迎於境上具陳其故御史遂令

兵還民指謂子女曰爾輩李公活之也姑蘇志

高瑞洪武二十六年為常熟知縣居官有廉操嘗著傲袴隸人

戈孟遠竊見之納絹二匹於衙內瑞諭而鞭之加絹於項扶

出之人莫敢干以私乾隆志

柳敬中慈谿人洪武三十一年以登封教諭陞常熟知縣前政

久弛敬中隨宜刻治廢墜修舉田野開闢崇儒禮士政聲翕

然孔氏子孫有流寓邑中者貧不能娶敬中為娶妻築室宣

化門外給產以養范文正公之裔少孤無生業為築室廩食

之製衣巾具束脩俱學於邑庠永樂中以憂去服闋民請復

任陞蘇州同知今祠于學乾隆志

林暄仁和人洪武三十一年由監生試常熟丞守身謙潔保善

抑豪永樂五年以求賢陞袁州府通判姑蘇志舊志此

周架字仲方廬陵人永樂初以戶部郎治常熟水利堤防蓄洩

措置合宜出入阡陌間躬親率作民不知其為使者也期年

奏績還京同治常昭志引吳文恪公集

廖璉新淦人永樂中為常熟知縣寬厚廉勤門無私謁民感其

政後陞蘇州府通判南畿志

郭南上虞人初由縣吏授吳江典史築長橋有功除常熟撫民

蘇州府志

卷七十二

名宦五

九

主簿逋逃復業者四千餘戶獄訟者不之令而之簿居四年

改管糧弊除而課早集宣德九年常熟令缺知府况鍾與撫

按諭薦遂遷知縣南發濟農倉米募民疏通諸浦導江湖灌

高原田洩湖水東注化汗萊為膏壤贖還貧民鬻子女償通

者百餘人以倉米貸民收時止課其本設義役倉每里出米

五十石遂享十年之逸驅太倉鎮海二衛屯軍令民代種收

租蘇州衛軍為暴并抑之禁鬼禩正婚喪橋梁器用莫不修

飾府僚有行縣需索及盜支官鈔者發其罪不少假邑民獻

粟甚甘南食而伐其樹日後必有以進奉病吾民者正統八

年丁內艱歸十二年民請復任又一載告歸蘇州府志

唐禮字敬身武康人舉賢良方正天順初知常熟縣文雅有為  
重建子游祠道愛亭立進士題名碑姑蘇志

甘澤字洪濟開州人天順間以進士任御史左遷滁州衛經歷  
成化元年巡撫劉孜薦陞常熟知縣食正五品俸剛方有為

豪猾屏息其治以嚴稱嘗修學宮重建東南二倉造倉畔二  
石橋四年以事罷鄧志

鄧珙字宏中閬縣人成化初以進士知常熟縣首誅姦惡以剛  
果稱九年陞南京戶部主事姑蘇志

蘭玉字廷璋趙州人由進士知常熟弟清謹慎於聽獄未嘗  
以私刑一人在邑有惠愛民謠云好爛肉富常熟成化十三

蘇州府志 卷七十二 名宦五 十  
年北觀卒於京鄧志

王綸字大經開州人弘治三年進士授常熟知縣清靜簡易於  
監臨平心事之不承迎以干進事至不辭劇易訟牒可論則

決遣或委耆民理之多平服款歲躬出勘災煮粥以食饑民  
待吏嚴整無偏聽歲漕如期而集任內鮮逋賦以學法整諸

士得其俊異而禮之號舍不能容闢地構屋與居遷衢州通  
判又遷山西沁州知州鄧志

楊子器字名父慈谿人弘治初知崑山有惠政王志堅張大復  
子器初知崑山下車即寘巨猾數人於法撫字小民極周至  
擇士之秀者親加教督過塾師門或下車取童子課程考較  
之若子弟然暇則與文人耆老款接咨訪表章先賢祠墓撤  
毀淫祠百區以共材充廟學公署用禁絕僧道巫祝游民及

山神會尚鬼之俗為之一變卒後崑  
民思其德立祠馬鞍山前春秋祀之  
巡撫朱瑄薦調常熟任未久風采一新教民築隄捍水流  
亡者召之復業田稔而后稅之立歲徵法先入者免贈米越

三日量免之不數日米入已盈數萬折糧銀往時隨糧以納  
至銀貫米賤而傷農子器諭小戶以米轉易事畜養紡織春

半而輸凡輸銀近在堂廡監收者不得橫取徭役視其丁力  
始至即召里胥民圖所居方向籍書事產丁力審役日按籍

而定之靡有自匿者邑校素稱多士子器親為講授月朔集  
之課試雖祁寒盛暑不易期行鄉飲賓禮其有年行親造其

廬為鈞敵禮鄉賢張修撰女孫許人為妾子器取以嫁先賢  
蘇州府志 卷七十二 名宦五 十

言氏之後而躬臨其婚冠婚禮久廢每月朔望召儒士張堯  
民林傳季鶴輩講肄于社學訟者許投牒即日閱之揭名氏

於縣門里正傳集候審至則片詞而服罰取懲而不殘戶小  
大人賢不肖舉知之自其視象病者不禱於祠游惰不飲於

市爭者不鬪於道威行信孚政稱神明其尤無賴怙終者板  
書其名於縣亭准古式修大成樂卓然有古循吏風召入為

吏部考功主事歷官河南左布政乾隆志

秦禮字從節臨海人弘治十三年以進士知常熟縣性淳厚政  
不立異凡前各楊子器規畫守之不變事至平心決之民安  
其治素恬泊不喜事迎謁有不樂者上官入其言改知鉛山

邑人咸惜之後為河南按察僉事劉志

計宗道字惟中馬平人舉進士弘治十五年知常熟縣英果有為闕達持大體臨事有定見不可奪遇歲歉輒先事具白上官議蠲減知府林世遠甚重之邑諸豪猾常營事役罔官府宗道燭其姦終無所聽信居三年稅足而事集操履清慎於民有威愛暇則糾名流相與觴咏諸生有詞學者厚禮之遷延平府同知官至衡州知府乾隆志

胡巍字世高開州人正德五年以進士知常熟縣渾朴慈祥三載考績上官以糧役通完為限巍曰齒棄官不可殺吾民劇盜劉七將至福山鄰邑令有以家屬寄遁者巍不為動八年蘇州府志卷七十二 名宦五 十一

行取卒於家管志  
張濬字深甫黃縣人正德九年以進士知常熟縣縣理久弛強宗撓法病民濬持法無所徇厨傳簡約居之晏如當盛暑循行郊野致疾卒行囊蕭然蘇志

劉乾亨字汝嘉洛陽人正德十四年以進士知常熟縣政尚威稜然亦不事苛察治辦而民不擾滿考遷戶部主事乾隆志  
俞浪新昌人正德十六年由監生為常熟丞識略優敏臨義敢為工為詩政暇不廢吟咏濬白亦有功為上官所抑坐以小法會丁父憂去後浪奏理前事得白聽致仕翼志

王繼禮字行之文縣人以進士先任阜城令嘉靖二年改常熟

端已臨下寡嗜慾人不得窺其際賦役多因前政之善不務更張以示才出語必信有為必果邑多巨室莫敢干以私布袍蔬食一切泛費皆停罷民樂其不擾而敬其清方召為監察御史劉志

梁英字邦彥祥符人舉進士由曲陽令改常熟英有治才裁決如流庭無留務其性資平恕不以刑立威為按部御史劾去鄧毅常志

胡鳳字文明黃梅人嘉靖八年以進士知縣事催科不嚴而集決獄各當其情律已尤嚴遷南京戶部主事鄧志  
徐濬字景宇淳安人嘉靖九年以進士知常熟縣性明察臨訟蘇州府志卷七十二 名宦五 十三

一見而決往時定役以其書付吏猾吏得高下其等濬既定其役揭之縣牆使人共知應役與免吏不能售其姦縣有積逋數萬多漁入者濬逮繫而徵之尤嚴治惡無所縱含有沈欽者兄弟以鹽盜橫一方濬踪跡捕得之斃獄中徐達者名健訟善囁人濬捕治論死性不能媚上坐是久不進考滿得

荆州通判遷南京考功主事劉志  
沈宏鑿字君敘陳州人嘉靖十二年以進士知常熟勤於職業晨興視事宵燭而後入凡徵稅役法擇前令之善者用之衝前公費視往時多所裁減吏有玩法者立治不少貸濱江盜

發前後擒其雄猾餘黨散去縣境以寧均田檄下宏彞供事

有勞以薦為戶部主事乾隆志

馮職官表汝弼字惟良平湖人嘉靖壬辰進士授行人擢工科

給事中以疏劾吏部尚書汪鉉謫潛山丞十六年遷常熟知

縣時方奉旨丈田當事者互相觀望汝弼毅然立法清丈閱

三月事竣田無漏籍戶無虛糧然竟以是為同列所忌被論

調去乾隆志

鄧垣清流人先任通渭縣丞嘉靖十六年以治能薦改常熟明

辨有聲又善詩致仕歸康熙志

王鈇字德威順天人嘉靖二十九年進士授常熟知縣濱海多

大猾匪亡命作姦鈇悉賞其罪倭患起鈇語諸猾曰何以報

蘇州府志 卷七十二 名宦五 五 我威請效死於是立耆長部署子弟得數百人合防卒訓練

縣故無城鈇率士卒城之倭來薄數禦卻之已自三丈浦分

掠常熟江陰參政任環令鈇與指揮孔燾分統官兵三千

破其寨斬首百五十奇焚二十七艘餘倭皆遁復掠旁縣將

由尚湖還海鈇憤曰賊尚敢涉吾地邪必擊殺之會邑人錢

泮忿倭燕其父極力從與鈇乃用小艇數十躡倭夾擊之

隘中獨耆長數人從皆力闕鈇陷淖暎目大呼腹中又死時

三十四年五月也詔贈太僕少卿廕錦衣世百戶遣官諭祭

立祠死所歲時奉祀明史忠義傳縣志鈇與錢泮追倭中

力不能還乃留其弟若子占籍邑中先是三十二年倭入福

山港時主簿李宗昭二僕李安李某攜刀弩偵賊遇賊八人

安縱營燈其魁復揮刀殺二賊賊方惶怖而安墜甄

破及死某奮勇獨戰頸中二刀氣愈厲賊大駭引去

黃嘉賓崇安人嘉靖三十八年以進士知常熟縣煩遭倭患繼

以早勞嘉賓撫綴瘡痍輸賦者布縷雞豚皆收納發摘姦伏

如神會捕治海寇吳宗鹽使袁某入宗賄誣逮嘉賓幸與論

保持之然未及給由量遷戶部既去民思之至萬曆丁未始

祀名宦祠時有一父老扶杖匍匐云少遭冤獄遇公得釋望

木土且泣且拜哀動路人龔志舊志此下有王叔泉傳今刪

張集義餘姚人進士萬曆十一年自丹徒調繁常熟慷慨任事

修城浚川不避勞怨更變役法每區以一人掌賦而各用經

催佐之重差通融均派後皆遵行陞兵部主事龔志

蘇州府志 卷七十二 名宦五 五 段然號幻然江夏人進士萬曆二十六年知常熟沈毅多謀咨

聘布衣顧耿光特以賓禮稽覈賦稅宿蠹一清凡得乾沒之

額三千石有奇歲大饑詔蠲租五萬餘石用耿光計災黎悉

沾實惠築隄導渠改倉造獄俱有規制東南屢苦澇然清刷

宿逋創公租法秋成日俾里正循行分收充額而止官民兩

便龔志趙國琦字伯玉南昌人進士萬曆二十七年自廬江調繁常熟

操守清謹嘗親行阡陌察覈荒田又以額派餘米三千石抵

坍荒稅居二載擢刑部主事後官至參政龔志

譚昌言字聖俞嘉興人進士萬曆二十年知常熟天資英敏剖

決如流歲當大造契稅例有三四千兩悉免之平徭役卻餽

遺士民莫不愛戴會青矜變起郡守引疾昌言改調婺源廩

山劍門之崖鑄去思石三字以志德冀志

耿橋字藍陽常昭合志獻縣人進士萬曆二十三年知常熟縣

首復子游書院浚福山鹽鐵李墓三丈諸塘浦工畢而民不

擾所著常熟水利全書傳於世錢志

楊漣字文孺一字大洪應山人萬曆三十五年進士除常熟知

縣初至與城隍神約所不秉公而狗紳豪者有如日竟漣之

任竿牘絕迹凡為姦猾亂治者皆收案致法常徒行阡陌間

問民疾苦慰勞如家人父子築雲和石塘五十里以遏暴流

蘇州府志

卷七十二

名宦五

六

免病涉坊里供億繁苦捐公帑代之創復文廟樂舞設義塾

於各城備脩脯延師令貧者就學俸薄不足贍家口其兄賣

田以資之五年入覲毀所束帶以辦裝舉廉吏第一擢給事

中應左副都御史抗疏劾魏忠賢二十四大罪被逮斃詔獄

崇禎初贈太子太保諡忠烈邑人立專祠于雲和塘旁乾隆志

楊鼎熙京山縣人崇禎元年以進士知常熟縣能理繁劇案牘

日累百劓決如流初常熟漕法不一大戶易輸而鄉民倍肩

其難鼎熙言於撫按一例水次輸兌勞逸乃均勒石永遠在

任九年左遷去錢志

王鐵常熟知縣籍貫未詳乙酉殉節孫道煥同死乾隆四十一

年

賜通諡節愍南疆

國朝

○湯家相字泰瞻趙城人順治六年進士八年授常熟知縣初

至率士民矢於神不取一錢為政以撫流亡植善類為務有

積案繫獄者數十人家相知其無辜取贖焚之囹圄一空每

視事齋顏問民疾苦有言利弊者悉得前期年坐前官通賊

罷百姓聞之爭先輸納一夕而足撫臣白其事復官補南漳

知縣錢志

○趙育溥沁水人康熙初由五臺教諭遷常熟知縣至時隨一

蘇州府志

卷七十二

名宦五

七

蒼頭布袍襪被而已催科弗于杖但勸之輸上官讓之育溥

曰與其督責而飽隸橐不若寬之使悉入公家且貧民或鬻

子女以償一官何有忍敲扑以博最乎民聞感悅賦入逾他

歲以舊通罷去民情之錢志

○于宗堯字二巍廣德人康熙七年以父廕除常熟知縣時年

甫十九人或少之及視事聽斷明察勇於為治典刑別弊雖

老吏弗及先是收糧兌糧責成里民漕卒驕橫索取無厭民

不能堪宗堯到任三月大集糧里誓於神力行官收官兌之

法漕事不為民困自宗堯始性孤介屏絕饋遺博擊豪強無

遺力而待良民慈恕三年如一日卒於官合邑為罷市男女



皆巷哭醮金治其喪負販者爭投一錢將北歸百姓號泣挽  
留葬之虞山南麓題其阡曰萬民留葬邑人瞿式乘捨宅爲  
祠在慧日寺西錢志

○林象祖字愧夢晉江人進士康熙十二年知常熟縣敏練有  
才略時疊遭水旱又當逆藩之變軍需孔亟象祖撫綏七載  
事上使下無不欣悅特擢缺一科給事中前此吳中州縣官

多錢糧註誤遷擢自象祖始錢志

○高登先號于岸鍾祥人進士知常熟縣革羨省差催科分別  
良頑聽訟尤明決城西門圯覺官頽悉捐俸修葺邑城內外

各設藥局立義學創修邑志甫半載令行信孚以俸滿陞涿

蘇州府志 卷七十二 名宦五 六

州牧錢志

○楊振藻字起文永平人康熙庚戌進士初宰山西祁縣二十  
四年調補常熟吏畏民懷延錢陸燦修邑志再調廣通擢工  
部員外郎卒於京邸至不能備棺衾邑人蔣廷錫爲之殮曾傳

○章曾印字宸書浙江會稽人由咸陽廣文宰武清以河工著

績升府同知借補常熟當海饑後緩征捐贖民間子女延會  
倬修邑乘葺學宮浚三丈浦百廢具舉會縣志旋攝崑山多惠

政未久卽去民懷其德立民之父母坊于朝陽門外道光崑山志

○陳守劍號木齋高安人康熙甲戌進士六十年知常熟縣守

創歷官以廉慎著稱至則罷差役絕請託革耗羨輸賦者使  
自封投櫃不拆封卽解郡相驗命案祇攜一吏一役駕小舟  
以往民無橫索之累日坐內堂洞開重門訟者皆得至前大  
則令其自拘訊明卽結小則開諭解釋甫三月奉

召入京邑民相率詣上官乞留後歷倉場總督順天府尹副都

御史乾隆

○勞必達字尊三漢陽進士雍正三年初分昭文正經界創縣

治水利漕務勳中欽要分修昭文志公牘載志中永遠可法道光

○李惟一字梓材鉅野舉人雍正六年知常熟縣有廉操政尚

慈和不事鞭扑人皆稱爲長者延邑人陶正靖修縣志稿成

適坐累罷未刻道光

○張嘉論字正聲海鹽人雍正中由沛縣調常熟發奸擒伏如  
神縣西二十里大義橋許墅關設柵於此嘉論詳陳其害躬  
詣府繪圖言狀大吏感悟移柵兩邑交界士民刻有政績詩

八首郵囚收糧尤其大者在任五年調吳縣道光

○李世傑字漢三貴州人雍正時著常熟黃泗浦巡檢鄉曲小

有爭訟必爲具曲直而不可干以私李廉使永書時令常熟

引與同堂讞事邑人頌廉明後仕至兵部尙書諡恭勤同治  
志稿引編山堂文集